

Kesyon moun poze souvan (FAQ)

Èske timoun ki pa gen papye ka ale lekòl nan Vil Nouyòk?

Wi. Chak timoun gen dwa pou resevwa yon edikasyon nan lekòl leta, kèlkeswa sitiyaasyon imigrasyon l. Timoun ki gen laj katran oswa ki vin gen katran elijib pou Pre-K epi tout moun ki abite nan Vil la gen dwa pou ale lekòl leta apati laj 5 lane jiskaske yo gradye oswa jiska fen ane lekòl kote yo vin gen laj 21 lane. Èske anplwaye DOE yo pa p mande papye imigrasyon. Si yo okouran sitiyaasyon imigrasyon timoun lan yo dwe kenbe l sekrè.

Èske mwen ka vizite lekòl pitit mwen an si m pa gen papye?

Wi. Pou vizite yon lekòl, ou bezwen genyen yon pyès idantifikasyon ofisyèl ki gen foto. DOE aksepte IDNYC, ki se kat idantite minisipal Vil Nouyòk bay tout moun ki abite nan Vil Nouyòk. IDNYC pa gen ladan enfòmasyon sou sitiyaasyon imigrasyon. Ou ka anwole pou yon kat IDNYC gratis nan www.nyc.gov/idnyc.

Mwen pa yon sitwayen ameriken. èske m ta dwe enkyete pou yo pa depòte m?

Lwa imigrasyon ka konplike anpil epi ka chak moun diferan. Si w gen dout sou konsekans nouvel ki fèk parèt sou imigrasyon yo ka genyen sou kapasite w pou rete ak travay legalman nan peyi Etazini, ou ta dwe pale avèk yon avoka imigrasyon pou w ka konprann ki chwa ou genyen. Rele 311 epi di "ActionNYC" pou pran yon randevou pou jwen èd legal gratis, sennesof sou imigrasyon.

Fanmi m soti Iraq, Siri, Iran, Sudan, Somali, Libi oswa Yemen. Èske m ta dwe enkyete sou entèdiksyon Prezidan an nan zafè imigrasyon pou peyi sa yo?

Chak timoun gen dwa pou resevwa yon edikasyon nan lekòl leta, kèlkeswa peyi li soti. Lòd Prezidan an pa chanje anyen nan sa a. Si w gen enkyetid sou kòm lòd Prezidan an ka afekte posiblite poumenm ak fanmi w rete nan peyi Etazini oswa pou vwayaje, rele 311 epi di "ActionNYC" pou pran yon randevou pou jwenn èd legal gratis, ankonfyans sou imigrasyon.

Si w gen yon manm fanmi ou kenbe nan ayewopò kounye a oswa si w konnen yon moun yo kenbe kounye a epi ou bezwen èd pou ijans sèlman, rele nan 844-326-4940 pou pale avèk yon avoka volontè kounye a nan JFK International Airport.

Èske Vil Nouyòk patisipe nan aplikasyon lwa imigrasyon?

Vil la pa fè aksyon pou aplike lwa imigrasyon. Se gouvènman federal ki jere zafè aplikasyon lwa imigrasyon. Regleman sou konfidansyalite Vil la, ki pwoteje sitiyaasyon imigrasyon ak lòt enfòmasyon sou konfidansyalite, yo la pou kenbe Vil la sennesof ak yon kote pou akeyi tout moun ki abite ladan, paegzanp imigran ki pa gen paye tou.

Èske mwen mèt santi m ansekirite pou rele polis si m bezwen èd?

Wi. NYPD pa mande moun ki viktim krim, temwen ak lòt moun ki mande èd enfòmasyon sou sitiyasyon imigrasyon yo. Nenpòt moun ki se viktim yon krim tankou krim hèn ta dwe kontakte Polis Vil Nouyòk NYPD nan 911 oswa kontakte gwoup NYPD k ap travay sou krim hèn *Hate Crimes Task Force* dirèkteman nan (646) 610-5267.

Ki kote mwen ka jwenn èd legal sou imigrasyon?

Relel 311 epi di "ActionNYC" pou pran yon randevou pou jwen èd legal gratis, sennesof sou imigrasyon.

Fè atansyon ak ajans ki pa gen lisans k ap bay sèvis imigrasyon k ap eksplwate kliyan yo. Chèche èd nan men yon avoka imigrasyon ou fè konfyans, ki gen lisans oswa yon reprezantan ki gen kredi.

Ki kalite sèvis ki disponib nan Vil la pou mwen ak fanmi m?

Pifò sèvis nan Vil la disponib pou moun ki abite nan Vil Nouyòk, tankou imigran ki pa gen papye paegzanp ale lekòl oswa itilize sistèm sante sa oswa lòt sèvis. Anplwaye Vil la pa p poze kesyon sou sitiyasyon imigrasyon sofsi li nesèsè pou yo fè travay yo. Yo dwe kenbe sitiyasyon imigrasyon yo konfidansyèl.

- **IDNYC** – IDNYC se kat idantifikasyon Vil la bay tout moun ki abite Vil Nouyòk. IDNYC pa gen ladan enfòmasyon sou sitiyasyon imigrasyon. Pran yon randevou nan www.nyc.gov/idnyc.
- **swen sante**
 - Gen swen sante pou ka ijans ak ka ki pa ijans ki pa koute chè ki disponib pou tout moun nan lopital ak klinik leta ak nan lòt klinib ki pa koute chè. Telephone 311 pou jwenn plis enfòmasyon.
 - NYC Well se yon kontak konfidansyèl pou swen sante mantal nan plis pase 200 lang, nenpòt lè nan jounen an. Rele nan 1-888-NYC-Well, tèks mo WELL nan 65173, oswa ale sou www.nyc.gov/nycwell
- **Gadri** – Fanmi ki pa touche anpil lajan ki gen timoun ki gen laj 6 semèn jiska 12 lane ka resevwa swen gratis oswa bon mache pou timoun. Telephone 311 pou jwenn plis enfòmasyon.
- **Manje akabri nan ka ijans** – gen kote nan Vil la ki bay manje gratis pou moun ki nan bezwen. Pwogram akèy la ka ede moun ki abite nan vil la evite antre nan sistèmabri (shelter) a. Telephone 311 pou jwenn plis enfòmasyon.

Kisa mwen ta dwe fè si m santi pitit mwen an oswa mwen menm se viktim diskriminasyon oswa arasman?

Moun ki abite nan Vil Nouyòk gen dwa pou yo viv san diskriminasyon, vanjans ak arasman, kote y ap travay, nan lojman, nan plas piblik ak nan lekòl leta. Pou jwenn plis enfòmasyon oswa pou rapòte yon ensidan, kontakte lyezon respè pou tout moun *Respect for All* (RFA) nan yon lekòl, rele 311 oswa rele Komisyon Vil Nouyòk sou dwa moun *NYC Commission on Human Rights* nan nimewo gratis (718) 722-3131.